

KOMERCA PRESEJO : H. & H. BRAEKEVELT — ROESELARE (BELGLANDO)



PRESISTO & KLIENTO

PERIODA CIRKULERO EN LINGVO ESPERANTO POR NIA KLIENTARO EN FLANDRUJO, VALONUJO KAJ EKSTERLANDO

LETTERKESTO

S-ro L. P., studento en V. — Presaĵoj ĉiam kaptas mian atenton. Bonvolu klarigi la labormanieron de la modernaj ornamoj tiel ofte - kaj belguste - uzataj en viaj esperantistaj presaĵoj. Sendube estas pacienclaboro senfina ordigi tiom da apartaj punktetoj kaj kvadratetoj?


RESPONDO. — Efektive, provizo da pacienco estas necesa, sed eble ne tiom kiom estas supozebla. Vi sciuj ke unu punkteto aŭ kvadrato aparte ne ekzistas. Diversaj punktetoj aŭ kvadratetoj kune formas certan figuron. Vidu la sekvantajn ekzemplojn :



La serio ne ankoraŭ estas kompleta, kvindek da diferencaj figuroj ni lasas trankvile en la literŝrankoj.

Antaŭ ol ekkomposti necesas prepari samgrandan skizon, por plej facilmaniere "konstrui" la bildon.

La ideala aŭtomobilo por la partoprenantoj al Esper. kongresoj.



S-ro S. P., sekr. de la Esp. Gr. en B. — 1) Vi petas nin modelon de la "plej praktika invitkarto", por la novfondita sekcio. La plej praktikan modelon ni ne povas elekti kun la certeco ke ĝi plaĉos, tial ni sendas 4 presitajn modelojn, Vin petante mem elekti. Kun la modeloj ni sendas la prezojn je mendo de 500 aŭ 1000 ekzempleroj.

2) Dankon pro perado de la mendo "vizitkarto", por 5 membroj el via sekcio. La litertipo indikita estas tre plaĉa; efektive tiu tipo estas elektita de dekoj da Esperantistoj kiuj jam mendis ĉe ni.

F-ino M. v. d. P., Csehkursanino en L. — Plezure ni plenumas vian peton, kaj sendas al Vi 3 ekz. de nia trikolora presita cirkulero de pasinta jaro. Ne gravas ke ili tiun fojon ne estos uzataj je reklama celo, sed por alsendo al viaj korespondantoj en eksterlando. Vere plaĉa ideo per kiu ili estos informataj pri almenaŭ unu kazo de komerca reklamo en Esperanto. — Ni ankaŭ je sama celo kunsendas 10 ekz. de la nuna cirkulero. Sed..., kion fari se hazarde via "kara japano" mendus vizitkartojn en sialandaj signoj. Pripensu nun jam afablan rifuzon...

Al multaj. — Specialan dankon al la korespondantaj estraranoj el diversaj grupoj kaj organizaĵoj kiuj en tiu pasinta periodo ŝarĝis nin kun la ellaboro de mendoj: ni resumas laŭ rememoro: Cseh-centron, Mechelen — E. R. Bruselo — F. U. K. E. Bergerhout, Aalst, Wilrijk — F. G. E. Antverpeno — F. L. E. Bruselo — F. E. I. Kortrijk — Handzame — Luik — Oostende — Leuven (Heverlee) Blankenberge — Brugge — Roeselare — Turnhout — Meenen — k. a.

Krome dankon al la esp. komercistoj kiuj bonakceptis nian antaŭan - specialan - reklamon, kaj kiuj restas klientoj pro la facileco akiri ĉe ni koresponde siajn presaĵojn, belstilajn kaj favoritarifajn, kun la certeco de bonfida interrilato.

Komercistoj — Elspezo de leterafranko por informpeto ne estas senutila. Risku kaj iĝu konvinkata je propra profito.



LA KRIO DE L' KOKO :

Saĝaj homoj — ne vane mi krii...uu
Presejon Braekevelt vi nune preferu...uu

KOMERCA PRESEJO H. & H. BRAEKEVELT
STATIEDREEF, 177 — ROESELARE — TEL. 1080

S-ro & S-ino Kamp-Durma

PARKSTRAAT, 36

MONDURBO

Modelo 1



Guido De Ridder

Bank-oficisto

Kerkstraat, 34

Nieuwstad

Modelo 2

piet de jonkere

ontvanger der belastingen

oude-sparrenlaan
steenberge

Modelo 3

GERTRUDE VAN SOEST

OOSTDUINLAAN, 12

WESTERBEEK

Modelo 4

*Preseja H. & H. Braekevelt, prezentas al
sia klientaro sian vizitkartcirkuleron 1938*

Estimata,

La samcela cirkulero de l'antaŭa jaro ĝuis favoran akcepton ĉe la Esperantistoj kaj iliaj konatuloj. Estus tre domaĝa neglekto se nunjare ni ne reeldonus ĝin, tial ni prizorgis ĝian aperon, eĉ kun certa plibonigo.

Celo — Ni konas la deziron de la Esperantistoj posedi belan vizitkarton kun verdstela insigno. Tamen, tia akiro postulas enuigan informadon, ĉar ne ĉiuj presistoj disponas pri konvena insigno, kaj kutime tro-altigas la prezon por la speciala verda preso.

Modeloj — Krom la apude presitaj modeloj ni tutbone ellaboras aliajn modelojn laŭ prefero de la mendanto.

Mendo — Precize difinu la deziratan kvanton, modelon.

Pago — Akompane kune kun la mendo (ne-uzitaj poŝtmarkoj), aŭ prefere post ricevo de la sendaĵo per poŝtĉeka pago (nia num. 4049.82)

Tarifo - KARTOJ.

	50 ekz.	100 ekz.	200 ekz.
Sen verda stelo :	6 fr.	9 fr.	15 fr.
Kun verda stelo :	9 fr.	12 fr.	18 fr.

Tarifo - KOVERTOJ.

	50 ekz.	100 ekz.	200 ekz.
Sen verda stelo :	2 fr.	4 fr.	7 fr.
Kun verda stelo :	5 fr.	7 fr.	10 fr.

Sendkostoĵ : 0.50 fr.

Konigu la enhavon de tiu cirkulero al familianoj, amikoj, en via grupo, kolektante ĉion en unu sola, orda mendo. Okaze de kolektiva mendo, la mendanto ĝuas agrablan kondiĉon.

Estimplene salutante,

H. & H. Braekevelt

GRAVA

La prezoj ofertataj validas ankaŭ dum la tuta jaro 1938. Konservu do la cirkuleron ĝis kiam via kart-provizo estas elĉerpata. — Tamen, multaj ŝatos la kartoĵn okaze de Kristnasko kaj Novjaro.

Ni konsilas do ne atendi ĝis paro da tagoj antaŭ tiuj festoj, sed nun prepari la mendon. La laboro por ni estos faciligata, kaj vi mem profitos el la rapida liverebleco.

Preferu nian adreson por ĉiuj viaj presaĵoj esperantlingvaj, familiaj kaj komercaj — Fidindaj kaj faksciaj atestoĵ.